

Protocol no. 10
Sezzüda da marcurdi, 14 marz 2012, 9.00 – 12.15

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 9 da la sezzüda da gövgia, 8 marz 2012 vain approvà.

60 021 FABRICA
G.Lutz e C. Di Guimaraes de Aquino, Stron

L'architecta dal surnomnà proget ha fat als 23 december 2011 la dumonda per prolongar ün'ulteriura jada il permiss da fabrica. Tenor il parair giuridic, cha'l patrun da fabrica vaiva dat l'acconsentimaint da dumandar, esa giuridicamaing cumpatibel da conceder üna prolungaziun in quist cas. Il Cussagl cumünal decida da prolongar il permiss da fabrica dals 17 schner 2008 e da nomnar las singulas condiziuns illa prolungaziun.

Il Cussagl cumünal decida implü da laschar formular la prolungaziun al giurist da cumün dr. iur. P.A. Vital subit cha'ls plans correts sun inoltrats.

61 021 FABRICA
Jon Carl Rauch – Müdamaints vi dal sistem fotovoltaic, Crusch

Causa cha'l sistem fotovoltaic nu funcziuna uschè co cha'ls panels sun posizunats actualmaing süls tets, vules il patrun da fabrica levar ils panels dal tet da l'annex da la stalla e cumplettar cun quels panels las lingias da panels sün tet da la stalla.

Il Cussagl cumünal decida d'inviar la dumonda pel müdamaint dal proget per la procedura per fabricats dadour la zona da fabrica (BAB).

62 021 FABRICA
Fadri Stricker – Refabricaziun da la remissa, Spinatscha

Sün dumonda da Fadri Stricker da pudair refabricar la remissa i'l listess lö e cullas listessas masüras decida il Cussagl cumünal d'inviar la dumonda per la procedura per fabricats dadour la zona da fabrica (BAB).

63 021 FABRICA
Pendicularas Motta Naluns SA – Innaiver, Niruns

Sün dumonda da las Pendicularas Motta Naluns SA per pudair fabricar la continuaziun dal sistem d'innaver sü Niruns decida il Cussagl cumünal d'inviar la dumonda per la procedura per fabricats dadour la zona da fabrica (BAB).

64 86

**PROVEDIMAINTE ELECTRIC
Lingia electrica Sur En - Panas-ch Sura**

Causa las naiveras in schner es gnüda donnagiada la lingia electrica a Panas-ch Sura. Per garantir il consüm da forza electrica tenor contrat cun l'Uina SA ha stuvü gnir fatta üna lingia provisorica per raduond fr. 36'000.--. Per la refabricaziun da la lingia stan a disposiziun duos variantas:

- a. La refabricaziun da la lingia libra cun cuosts da raduondfr. 66'000.--.
- b. La fabrica d'üna lingia suot terra cun cuosts brüts da fr. 159'000.--. La varianta da metter la lingia suot terra es sül prüm sguard bainschi plü chara, ma ella as cunvgniss a lunga dürada causa cha quista varianta protegess la lingia in avegnir da tals dons. Implü vess quista varianta per consequenza chi gniss in avegnir dovrà sün quel traget be amo üna staziun da trafo uschè cha'ls cuosts per rimplazzamaints da las staziuns da trafo gnissan redots.

La sgüranza as partecipescha vi dals cuosts da refabricaziun cun raduond fr. 100'000.--

Il Cussagl cumünal decida da propuner a la radunanza cumünala la varianta b) per la refabricaziun da la lingia e da dumandar il credit brüt da fr. 159'000.-- cun cuosts restants nets, davò trat giò la partecipaziun da la sgüranza, da fr. 59'000.--.

65 70

**PROVEDIMAINTE D'AUA
Spostamaint lingia d'aua, Archas - Surdatta lavur da progetaziun**

Causa la fabrica d'üna chasa nouva sün Archas faja dabsögn da spostar la lingia da l'aua d'Uina. Quist spostamaint es previs tenor il preventiv d'investiziuns cun fr. 85'000.--. L'offerta per las lavurs d'indschgnar e per la direcziun da fabrica importa fr. 6'426.-- (tet da cuosts da fr. 7'000.--). Il Cussagl cumünal decida, in assenza dal schef d'infrastructura Andri Poo, da surdar la lavur al büro d'indschgners J.A. Könz tenor l'offerta preschantada.

66 79

**PLANISAZIUN DAL TERRITORI
Lavurs da preparaziun per la zona da mansteranza Pozzet**

In connex cullas lavurs da la 20avla etappa da l'ameglioraziun a Sot Crusch, vess il cumün l'ocasiun d'integrar eventualmaing tubs vöds i'ls s-chavs sco lavurs da preparaziun per la zona da mansteranza ventura a Pozzet. Ils cuosts implü cha quists lavurs suplementars chaschuessan vegnan calculats cun raduond fr. 27'800.--. Il Cussagl cumünal es da l'avis cha quist'investiziun be fess sen scha la surfabricaziun e l'adöver da la zona da mansteranza füss evidainta. Per intant nun es il svilup da la zona da mansteranza da Pozzet nun amo cuntshiant, uschè cha quist'investiziun profilactica nu fess sen, impustüt eir causa cha our da la collavuraziun culla 20avla etappa resultess be ün respagn da raduond fr. 7'000.--.

67 942.503.01

**Stabilimaint da la posta
Cumprita stabilimaint da la Posta - Orientaziun sur dal stadi da la fatschenda**

Il capo preschainta ils resultats da las retscherchas ch'el ha fat d'ürant las ultimas eivnas in connex cul stabilimaint da la Posta. Tenor quistas retscherchas esa pussibel da proseguir illa fatschenda cun differentas variantas, cumanzà culla varianta statta preschantada a la radunanza d'orientaziun dals 24 october 2011 chi prevezzaiva la cumprita dal stabilimaint cun müdamaints interns minimals ed üna tualetta publica per raduond fr. 1'100'000.--, sur la varianta da la cumprita dal stabilimaint cun üna sanaziun energetica dal stabilimaint ed üna tualetta publica cun entrada directa da l'extern, sur las differentas variantas da fittada e da comproprietà fin pro la varianta pussibla d'as retrar sco interessent da cumprita.

Implü preschainta il capo eir differentas calculaziuns a regard la sanaziun energetica dal stabilimaint ed a regard la tualetta publica. Ils cuosts per la sanaziun energetica s'amuntan sün radond fr. 500'000.--. Ils cuosts per la tualetta publica importan, tuot tenor varianta, tanter fr. 65'000.-- e fr. 170'000.--.

Ultra da quai preschainta il capo eir ideas alternativas a regard il lö per l'agentura da Posta ed il büro da traffic chi sun per intant amo in in evaluaziun.

Davo animada discussiun decida il Cussagl cumünal d'orientar in occasiun da la prosma radunaza avertamaing sur da tuot las variantas e sur dals differentes cuosts calculats. Implü decida il Cussagl cumünal d'incumbenzer al capo da trattar amo üna jada culs respunsabels da la Posta a regard il predsch da cumprita.

68

ORIENTAZIUNS

Bogn Engiadina Scuol (BES)

Il capo orientescha chi's possa corregger la cifra prevista aint il plan da finanzas 2012-2016 per la partecipaziun vi dal BES da fr. 700'000.-- e tilla sbassar sün total fr. 433'607.-- pajabel in duos parts, uschè chi füss da calcular pel preventiv dal 2013 sco eir pel preventiv dal 2014 mincha jada cun ün import da raduond fr. 216'804.-- per la partecipaziun vi dal BES.

Progets inoltrats a l'Interreg

A regard ils progets inoltrats a l'Interreg, la sanaziun da la senda dal Quar e la separaziun dals tragets per peduns e bikers sur il colmen Fenga, dà il Cussagl cumünal da princip l'acconsentimaint al capo, chi piglia part a la radunanza dal "Interregg-Rat", da conceder ün'eventuala garanzia da sustegn finanziel davart dal cumün da Sent pels duos progets.

Fusiun da cumüns

Il capo orientescha ch'illa gruppa operativa dal proget saja il post pels servezzans technics per intant amo vacant. Ils ulteriurs posts illa gruppa operativa han pudì gnir occupats. Il cumün da Sent es rapreschantà cul capo Albert Mayer ed il vicecapo Andri Poo e cun Rico Zini sco manader dal secretariat dal porget.

Hof Zuort

Il capo orientescha chi haja gnü lö ün inscunter infuormativ dals capos da Sent e Ramosch cul possessur dal bain Zuort.

L'actura: